
- UPRAVNI ODBOR -

Broj: 02-28-6/25

Sarajevo, 13. 10. 2025. godine

Na osnovu člana 59. Zakona o visokom obrazovanju („Službene novine Kantona Sarajevo“, broj: 36/22 i 28/25), člana 60. Statuta Univerziteta u Sarajevu i člana 37. stav (1) Poslovnika o radu Upravnog odbora Univerziteta u Sarajevu, uz prethodno Mišljenje Odbora za finansije Univerziteta u Sarajevu, broj: 0105-8625/25 od 16. 09. 2025. godine, na prijedlog Senata Univerziteta u Sarajevu, broj: 01-10-161/25 od 26. 09. 2025. godine, Upravni odbor Univerziteta u Sarajevu je na 41. redovnoj sjednici, održanoj dana 13. 10. 2025. godine donio *s l j e d e ć u*

ODLUKU***o dopunama Pravilnika o plaćama i naknadama Univerziteta u Sarajevu*****I**

Usvajaju se Dopune Pravilnika o plaćama i naknadama Univerziteta u Sarajevu, broj: 02-2-5-1/24 od 30. 01. 2024. godine.

II

U okviru Dopuna Pravilnika iz tačke I ove Odluke usvaja se *Metodologija obračuna naknade za akademsko osoblje članica koje učestvuje u realizaciji nastavnih aktivnosti na drugim članicama Univerziteta i Metodologija obračuna naknade za naučnoistraživačko osoblje u realizaciji nastavnih aktivnosti na članicama Univerziteta*, koje po tom osnovu čine sastavni dio Pravilnika iz tačke I ove Odluke.

III

U Pravilniku iz tačke I ove Odluke nakon dosadašnjeg člana 43. dodaju se novi članovi 43. a) i 43. b), koji glase:

„Član 43. a)

(Metodologija obračuna naknade za akademsko osoblje članica koje učestvuje u realizaciji nastavnih aktivnosti na drugim članicama Univerziteta)

- (1) Član akademskog osoblja članice Univerziteta koji učestvuje u realizaciji nastavnih aktivnosti za potrebe druge članice u okviru Univerziteta, ima pravo na odgovarajuću naknadu.
- (2) Iznos mjesečne naknade za člana akademskog osoblja iz stava (1) ovog člana se računa prema Metodologiji koja je sastavni dio ovog Pravilnika (Prilog br. 7.).

Član 43. b)

(Metodologija obračuna naknade za naučnoistraživačko osoblje u realizaciji nastavnih aktivnosti na članicama Univerziteta)

- (1) Član naučnoistraživačkog osoblja koji dolazi sa druge članice Univerziteta i učestvuje u realizaciji nastavnih aktivnosti za potrebe druge članice u okviru Univerziteta, ima pravo na odgovarajuću naknadu.
- (2) Iznos mjesečne naknade za člana naučnoistraživačkog osoblja iz stava (1) ovog člana se računa prema Metodologiji koja je sastavni dio ovog Pravilnika (Prilog br. 8.)“.

IV

Ova Odluka stupa na snagu danom donošenja, a primjenjuje se nakon stavljanja van snage Tumačenja Komisija za tumačenje i izradu teksta izmjena i dopuna Standarda i normativa za djelatnost visokog obrazovanja na području Kantona Sarajevo, broj: 27/03-02-32323-6/22 od 25. 08. 2022. godine i Tumačenje Komisija za tumačenje i izradu teksta izmjena i dopuna Standarda i normativa za djelatnost visokog obrazovanja na području Kantona Sarajevo, broj: 27/03-02-32323-7/22 od 25. 08. 2022. godine i to u roku od osam (8) dana od dana objave na internet stranici Univerziteta u Sarajevu.

**PREDSJEDNIK
UPRAVNOG ODBORA**

Dr. sc. Murat Ramadanović

Dostaviti:

- Rektor Univerziteta u Sarajevu
- Članicama Univerziteta u Sarajevu
- Prorektorici za finansije Univerziteta u Sarajevu
- Predsjedniku i članovima Upravnog odbora Univerziteta u Sarajevu
- U dokumentaciju Upravnog odbora Univerziteta u Sarajevu
- Generalnom sekretaru Univerziteta u Sarajevu
- Finansijskom operativnom centru Univerziteta u Sarajevu
- Službi za plan i analizu Univerziteta u Sarajevu
- Službi za ljudske resurse Univerziteta u Sarajevu
- Internet stranica
- Arhiva